

NË EMËR TË POPULLIT

P.nr.52/2019

GJYKATA THEMELORE NË MITROVICË-Departamenti i Përgjithshëm- Gjyqtari i vetëm gjykues Gëzim Ademi, me procesmbajtësen Hasnije Muhaxheri, në çështjen penale kundër të pandehurit D.I nga Mitrovica me vendbanim në rr. "...", për shkak të veprës penale: Posedim i paautorizuar i narkotikeve, substancave psikotrope ose analoge nga neni 275 par.2 lidhur me par.1 të KPRK-ës, sipas Aktakuzës së Prokurorisë Themelore në Mitrovicë PP-II.nr.4993/2018 të datës 03.01.2019, në mungesë të PTH Danjella Batkoviç, në prezencë të të pandehurit me datën 19.02.2019 ka shpallur publikisht, ndërsa me 25.02.2019 ka përpiluar këtë:

A K T G J Y K I M

I pandehuri: D.I, nga i ati Sh., e ëma F., e gjinisë S., i lindur me ..., me numër personal ..., me vendbanim në ..., rruga "...", shqiptar, kosovar, i pa martuar, student, i gjendjes së mesme ekonomike.

ËSHTË FAJTOR

SEPSE: Me datën 15.10.2018 rreth orës 22:15, në ..., në parkun e qytetit "...", pa autorizim ka poseduar substancën narkotike, në atë mënyrë që gjatë kontrollimit nga ana e Njësisë antidroge Mitrovica Jug, të i pandehuri është gjetur 1 (një) qese me substancë të dyshimta narkotike, në të cilën është vërtetuar prania e kanabisit (marihuanen) e cila përmban tetrahidrokanabinol (THC), me peshe 1.02=0,0001gram, e cila i është konfiskuar.

Me këtë ka kryer veprën penale: **Posedimi i paautorizuar i narkotikeve, substancave psikotrope ose analoge nga neni 275 par.2 lidhur me par.1 të KPRK**

Andaj gjykata në mbështetje të nenit 4,7,8,9,10,21,50,51,52,73, dhe 275 par.2 lidhur me par.1 të KPRK, e lidhur me nenin 450 dhe 463 të KPP-ës e:

G J Y K O N

Me dënim burgu në kohëzgjatje prej 6 (gjashtë) muaj, i cili dënim nuk do të ekzekutohet nëse i pandehuri nuk kryen vepër tjetër penale në kohëzgjatje prej 1 (një) viti.

Në mbështetje të nenit 275 par. 3 e lidhur me nenin 69 të KPRK-ës, të pandehurit i shqiptohet:

DENIM PLOTESUES

Konfiskohet kanabisit (marihuanen) të llojit tetrahidrokanabinol (THC), me peshe 1.02=0,0001gram.

OBLIGOHET i pandehuri që në emër të shpenzimeve procedurale-paushallit gjyqësor të paguaj shumën prej 30 Euro, ndërsa në emër të fondit për kompensimin

e viktimave te krimimit shumen prej 30 euro, te cilat shpenzime i pandehuri është i obliguar qe ti paguaj ne afatin prej 15 ditësh pas plotfuqishmërisë se këtij aktgjykimi.

Kërkesë pasurore juridike nuk kishte.

A r s y e t i m

I. Aktakuza

Prokuroria Themelore ne Mitrovice ka ngritur aktakuze PP-II.nr.4993/2018 te datës 03.01.2019 kundër te pandehurit D.I, për shkak te veprës penale: Posedim i paautorizuar i narkotikeve, substancave psikotrope ose analoge nga neni 275 par.2 lidhur me par.1 të KPRK-ës.

Gjykata ka caktuar shqyrtimin fillestar me dt. 19.02.2019 ashtu qe ne këtë seance i pandehuri lidhur me fajësinë ka deklaruar: e pranoj fajësinë, me vjen keq për rastin qe ka ndodhur dhe i njëjti i propozon gjykatës se nuk do te përsëris vepra penale, këtë e bëjë me vullnet dhe pa presionin e askujt.

Lidhur me pranimin e fajësisë prokurorja i ka propozuar gjykatës që të pranohet fajësia e te pandehurit nga se pranimi i fajësisë nga ana e te pandehurit është bere ne mënyrë vullnetare pa presion qe është ne pajtim me provat materiale ne shkresat e lendes se gjendjes faktike dhe kualifikimin ligjorë te veprës penale dhe te njëjtin ta gjykoj sipas ligjit duke pasur parasysh te gjitha rrethanat renduese dhe lehtësuese.

II. Vlerësimi i pranimit te fajësisë.

Gjykata duke vlerësuar pranimin e fajësisë nga ana e te pandehurit ka gjetur se pranimi i fajësisë ishte ne përputhje me neni 248 pasi qe i pandehuri kupton natyrën dhe pasojat e fajësisë, se pranimin e fajësisë i pandehuri e bene ne mënyrë vullnetare, pas sqarimeve te mjaftueshme nga ana e gjykatës, se aktakuza nuk përmban shkelje te qarte ligjore apo gabime faktike qe do te bënin te pamundur qe gjykata te beje vlerësimin e pranimit te fajësisë, se pranimi i fajësisë nga i pandehuri është i mbështetur ne faktet e çështjes qe përmban akuza, te gjitha këto për gjykatën përveç se vërtetojnë faktet e çështjes se akuzës njëkohësisht janë ne përputhje me pranimin e fajësisë nga i pandehuri, prandaj edhe gjykata e ka pranuar fajësinë nga ana e te pandehurit, këto rrethana vërtetohen nga provat qe gjenden ne shkresat e lendes si: raporti policor i dt.15.10.2018, Konfiskimin e sendeve me dt.15.10.2018, Raporti i ekspertimit 30.10.2018, nga te gjitha këto si dhe nga pranimi i fajësisë nga ana e te pandehurit vërtetohet se i pandehuri e ka kryer veprën penale: Posedim i paautorizuar i narkotikeve, substanca psikotrope ose analoge nga neni 275 par.2 lidhur me par.1 të KPRK-ës.

III. Vlerësimi lidhur me llojin dhe lartësinë e dënimit.

Lidhur me llojin dhe lartësinë e dënimit gjykata ka pasur parasysh se kjo veprë penale është e dënueshme me dënim me gjobë ose me burgim deri një 1 vit, andaj duke vlerësuar rrethanat lehtësuese dhe renduese, kjo gjykate si rrethana renduese ka gjetur shkallen e përgjegjësisë penale rrethanat ne te cilat ishte kryer vepra penale.

Si rrethane lehtësuese gjykata ka gjetur rrethanat personale te kryerësit dhe sjelljen e tij pas kryerjes se veprës penale, gjykata ka vlerësuar si rrethanë lehtësuese pranimin e fajësisë e qe

nga deklarimi i tij me rastin e pranimit të fajësisë rezultoi se i njëjti deklaroi se e ndien veten fajtor ky deklarim i tillë i të pandehurit për gjykatën shpreh një pendim të thellë të tij për veprën penale, po ashtu gjykata si rrethana lehtësuese merr faktin se i njëjti për herë të parë kishte ra ndesh me ligjin ngase nga evidenca nuk shihet se i njëjti ka kryer ndonjë veprë tjetër penale.

Nga të gjitha këto gjykata duke vlerësuar të gjitha këto rrethana ka gjetur se edhe me një dënim të tillë do të arrihet qëllimi i dënimit ndaj të pandehurit pasi që për gjykatën në rrethana të tilla mjafton se tërheqja e vërejtjes me kërcënimin e dënimeve, do të ndalojë kryerësin që të mos kryej vepra penale në të ardhmen e që ky është edhe qëllimi i dënimit me kusht. Nga të gjitha këto rrethana kjo gjykatë vlerëson se edhe me një dënim të tillë do të arrihet qëllimi i dënimit ndaj të pandehurit.

IV. Lidhur me shpenzimet e procedurës penale.

Lidhur me shpenzimet e procedurës gjykata ka vendosur që të pandehurin ta detyroj që në emër të shpenzimeve procedurale-paushallit gjyqësor të paguaj shumën prej 30 Euro, si dhe në emër të fondit për kompensimin e viktimave të krimit shumën prej 30 euro, të cilat shpenzime të pandehuri është i obliguar që të paguaj në afatin prej 15 ditësh pas plotfuqishmërisë së këtij aktgjykimi.

V. Lidhur me kërkesën pasurore juridike.

Për sa i përket kërkesës pasurore-juridike gjykata konstatoi se nuk kishte kërkesë pasurore juridike.

Andaj gjykata duke u bazuar me neni 248, 365, 450, të KPPK-ës nga arsyeje të lartcekura ka vendosur si në dispozitiv të këtij aktgjykimi.

GJYKATA THEMELORE NË MITROVICË
Departamenti i Përgjithshëm
P. nr.52/2019 dt.25.02.2019

Procesmbajtësja :
Hasnije Muhaxheri

Gjyqtari i vetëm gjykues
Gëzim Ademi

Këshillë juridike: Kundër këtij aktgjykimi palët kanë të drejtë në ankese në afat prej 15 ditëve në gjykatën e Apelit në Prishtinë, nëpërmes kësaj gjykate.